



Izimvo ezikrelekrele zika Mulalo Doyoyo

Arnold Mushwana

Thulisile Shongwe



Eli libali likaMulalo Doyoyo, umqambi
nenzululwazi yaseMzantsi Afrika.

Abaqambi ngabantu abacinga baze baqulunqe
kwaye bayile zonke iintlobo zezinto ezintsha.

UMulalo usebenzisa iNzululwazi neTheknoloji
ukwenza izixhobo ezinceda abantu
nokusingqongileyo.



Ndifuna ukukuxelela ngeNjineli eyaba ngumqambi odumileyo. Wazalelwa kwilali iVondwe,” waqala ngelitshoyo utitshalakazi uMary.

“Titshala, iphi iVondwe?” wabuza uLulama.


“Ikwiilali zaseLimpopo,” waphendula utitshala.



“UMulalo Doyoyo wazalwa ngonyaka we1970. Naniphi ke nina nonke ngowe1970?” wabuza utitshalakazi uMary.

“Sasingekho ngowe1970, titshala,” waphendula uJack esitsho ngentsini.

“UMulalo waqala ukufunda kwisikolo samabanga aphantsi iVondwe ngowe1977,” waqhuba utitshalakazi.




Akufika kwisikolo samabanga aphezulu, wathanda izifundo zobuNjineli kwakunye neNzululwazi,” watsho utitshalakazi uMary.

“Yintoni ubuNjineli?” wabuza.

“YiNzululwazi kwakunye neTheknoloji zihlanganisiwe,” kwaphendula uNkonka.

“Ingokwenza oomatshini, izakhiwo kwakunye nezinye izinto, waphendula uKulani.



Nichanile nobabini. IiNjineli ziyayila zijike zakhe oomatshini, izinto nezakhiwo. Zisebenzisa iNzululwazi kwaneThekhnoloji,” watsho utitshalakazi.

“Akugqiba amabanga akhe esikolo esiphakathi eMbilwi, uMulalo wazuza inkxasomali yokufundela ubuNjineli kwiYunivesithi yaseKapa,” waqhubeka watsho.



“Akuba seYunivesithi uMulalo waseka umbutho owawubizwa ngokuba yi*Temescial*.

Eli gama limele ‘iThekhnoloji, amayeza, kwakunye neNzululwazi yazo zonke’.

I*Temiscial* ikhuthaza ulutsha ukuba lufunde iNzululwazi, iThekhnoloji, ubuNjineli kwakunye neMathematika.

“Sekumva kufuneka siphande ngokubanzi ngale nyewe.”



“Akufumana isidanga sakhe sokuqala, uMulalo waya eMelika. Wafunda waza wafundisa kwiiYunivesithi zalapho.

Wafundisa iNzululwazi neMathematika eSetyenziswayo (*Applied Mathematics*). Yintoni iMathematika?” wabuza utitshalakazi uMary.


“Kukufunda ngamanani, iimilo neepateni,” watsho uAkani



“Uchanile Akani,” watsho utitshalakazi.

Waqhubeka nebali lakhe.

“UMulalo unesidanga sobuGqirha. Uzuze esona sidanga siphezulu, i*PhD*. Emva kokufumana esi sidanga ubizwa ngokuba unguGqirhalwazi. Uyincutshe kwezobuNjineli.”



“Ke ngoku, phambi kokuba ndinixelele ngoyilo lukaMulalo, mandinikhumbuze ngesixhobo sokwakha ekuthiwa yisamente,” watsho utitshalakazi.

“Isamente inento ekuthiwa lilitye lekalika kwaye isetyenziswa kwizakhiwo ezininzi.

Eli litye ligrunjwa emgodini, licunyuzwe libe ngumgubo ocolekileyo, lize litshiswe kwenziwe isamente.”



“Bafundi, uMulalo waqamba isixhobo sokwakha esingenamatye. Endaweni yoko, sisebenzisa uthuthu kwanenkunkuma yemizimveliso.

Loo nto ithetha ukuba siyakwazi ukwenza isamente ngaphandle kokusebenzisa ilitye lekalika elivela emhlabeni. Oku kwenziwa ngaphandle kokonakalisa okusingqongileyo.”



“UMulalo wayila nomatshini wokwenza izitena ekuthiwa yi*Ecocast*. Ngumatshini owonga amanzi kwanombane. Amanzi anqabile!”

“Kufuneka singashiya iimpompo zivulekile amanzi achithakale,” watsho uJack.

“Ewe, wonke umntu unoxanduva lokonga amanzi,” waphendula uLulama.



"Sendiza kuligqiba ibali lam, ngesithuthuthu esinamandla ehayidrojini! Esi sithuthuthu kuthiwa yi*Ahifambeni*. UMulalo wasiyila ekunye nabanye abaphandi," watsho utitshalakazi.

"Isithuthuthu sehayidrojini, bubukrelekrele obo!" watsho uKulani.

"*Ahifambeni!* Masihambeni!" watsho uNkoka.



“Ewe! Masiyeni siyokufundela ubuNjineli siqambe izinto ezibonisa ubukrelekrele!” watsho uKulani.

“Masisebenziseni iNzululwazi kwakunye neThekhnoloji ukusombulula iingxaki sizonwabise!” watsho uNkoka.

“Bendisazi ukuba ibali likaMulalo liza kunikhuthaza!” watsho utitshalakazi uMary encumile.

—Imibuzo

1. Uthanda ukufunda ntoni? Kutheni uthanda ukufunda loo nto nje?
2. Ucinga ukuba kwakutheni le nto uMulalo wathanda iNzululwazi kwanobuNjineli?
3. Phanda ngokubanzi ngeentlobo ezahlukeneyo zobuNjineli.
4. Phanda ngokubanzi ngabaqambi baseAfrika.
5. Izinto eziqanjwe nguMulalo ziyilondoloza njani indalo?
6. Siyintoni ISIQU (*STEM*)? Chaza ukuba kutheni sibalulekile.
7. Ngaphandle kweYunivesithi yaseKapa, fumanisa ngezinye ezisixhenxe iiYunivesithi zoMzantsi Afrika ezifundisa ngobuNjineli.
8. Chaza ukuba kutheni amanzi enqabile.

—Iincwadi ezikolu luhlu

- UAndile Mji
- UAsnath Mahapa
- UBongani Mayosi
- UCharlotte Maxeke
- UMmantsane Moche Diale
- UMulalo Doyoyo
- UTebello Nyokong
- UTshilidzi Marwala

Eli bali laqulunqwa laze labhalwa ngeXitsonga,
njengenxalenye yeprojekthi yeZenex Ulwazi
Lwethu yezixhobo zokufunda ka2020.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



basic education

Department:
Basic Education
REPUBLIC OF SOUTH AFRICA

*The Ulwazi Lwethu readers and storybooks have
been quality assured and approved by DBE.*

Your attribution should include the following:

Title: Izimvo ezikrelekrele zika Mulalo Doyoyo

Author/s: Arnold Mushwana

Translator/s: Sheila Mandlate

Illustrator/s: Thulisile Shongwe

Assurer/s: Bulelwa Nokele, Angelinah Dazela

Language: isiXhosa



© Zenex Foundation - Saide 2025 (Updated Edition)

CC BY includes the following elements:

BY – Credit must be given to the creator

